



Broj: 04-14-508-26/18

Sarajevo, 31.10.2018.godine

Na osnovu člana 69. stav 2. tačka d) i člana 70. Zakona o javnim nabavkama Bosne i Hercegovine („Sl. glasnik BiH“, broj: 39/14), i čl. 56 Zakona o organizaciji organa uprave u FBiH („Službene novine FBiH“, br.35/05), te Rješenja Ureda za razmatranje žalbi br: JN2-03-07-1-1-1144-10/18 od 18.10.2018. godine ministar saobraćaja Kantona Sarajevo, u ponovnom postupku, na preporuku Komisije za javnu nabavku donosi:

ODLUKU **o poništenju postupka javne nabavke**

1. Poništava se postupak javne nabavke usluga “Izrada studije istraživanja strategijskih pravaca razvoja stacionarnog saobraćaja i javnih parkirališta za područje Kantona Sarajevo” putem konkurentskog zahtjeva za dostavu ponuda, objavljenog na portalu javnih nabavki pod rednim brojem 1242-7-2-2-3-3/18 od 17.05.2018. godine, jer nijedna od primljenih ponuda nije prihvatljiva za predmetnu nabavku.
2. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama Bosne i Hercegovine („Sl. glasnik BiH“, broj 39/14).

O b r a z l o ž e n j e

Javna nabavka je pokrenuta Odlukom o pokretanju br: 04-14-508/18 od 09.01.2018. godine, te provedena putem konkurentskog zahtjeva za dostavu ponuda u skladu sa čl.87 i 88. Zakona o javnim nabavkama. Ugovorni organ je objavio obavještenje na portal javnih nabavki pod rednim brojem 1242-7-2-2-3-3/18 od 17.05.2018. godine.

Ugovorni organ je dana 25.07.2018. godine Odlukom o izboru najpovoljnijeg ponuđača br: 04-14-508-19/18 ocijenio ponude ponuđača Institut za građevinarstvo IG Banja Luka i INK Constructor d.o.o. Banja Luka kao neprihvatljive, što je potvrdio i Ured za razmatranje žalbi rješenjem broj: JN2-03-07-1-919-11/18 od 19.07.2018. godine i broj: JN2-03-07-1-934-10/18 od 25.07.2018. godine, te ugovor dodijelio ponuđaču Fakultet za saobraćaj i komunikacije Univerziteta u Sarajevu prema dostavljenoj ponudi br: 04-14-23523 od 29.05.2018. godine u ukupnoj vrijednosti od 57.915,00KM sa PDV-om.

Na navedenu Odluku žalbu je uložio ponuđač Institut za građevinarstvo IG Banja Luka dana 13.08.2018. godine, a koju je drugostepeni organ ocijenio kao djelimično osnovanu. te rješenjem br: JN2-03-07-1-1-1144-10/18 od 18.10.2018. godine istu usvojio i poništio Odluku ugovornog organa o izboru najpovoljnijeg ponuđača.

Predmetnim rješenjem Ured za razmatranje žalbi utvrdio je osnovanim navod žalitelja koji se odnosi na dokazivanje ispunjavanja uslova iz dijela tehnička i profesionalna sposobnost, na strani 31. ponude izabranog ponuđača Fakultet za saobraćaj i komunikacije, odnosno potvrdi o uspješno realizovanom poslu broj: 01-02.2-1311-1/17- DŽŠ izdatoj od strane JP Ceste Federacije BiH dana 20.02.2017. godine. Navedeno iz razloga što u istoj ne stoji navod o mjestu i vremenu izvršenja predmetnih usluga, a što je u suprotnosti sa tačkom 4. , alineja A), gdje se taksativno navode elementi koje ova potvrda mora imati, a to je između ostalog „Vrijeme i mjesto izvršenja ugovora“, a opet sve u skladu sa članom 48. stav 3. Zakona o javnim nabavkama.

Cijeneći upute drugostepenog organa, Ministarstvo saobraćaja Kantona Sarajevo je u ponovnom postupku Zapisnikom o pregledu i ocjeni ponuda br: 04-14-508-25/18 od 24.10.2018. godine, utvrdilo da nijedna pristigla ponuda ne ispunjava uslove tenderske dokumentacije a koji se odnose na tehničku i profesionalnu sposobnost, te su u tom smislu iste ocijenjene kao neprihvatljive. Sastavni dio ove Odluke čini Zapisnik o pregledu i ocjeni ponuda sa svim priložima.



Na osnovu svega navedenog, a shodno odredbama člana 69. stav (2) tačka d) Zakona o javnim nabavkama kojim je propisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva, donesena je odluka kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi, putem ugovornog organa u roku od 5 (pet) dana od dana prijema odluke.

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač je dužan u skladu sa članom 108. Stav (1) tačka a) Zakona o javnim nabavkama platiti naknadu za pokretanje žalbenog postupka u iznosu 500,00 KM.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Dostaviti:

- Fakultet za saobraćaj i komunikacije Univerziteta u Sarajevu
ul.Zmaja od Bosne br.8, Sarajevo
- Institut za građevinarstvo IG Banja Luka
Ul. Kralja Petra I Karadorđevića 92-94, 78000 Banja Luka
- Evidenciji
- Arhivi

